



Društvo novinara Bosne i Hercegovine oštro osuđuje uvrede i prijetnje smrću novinaru Sanelu Kajanu sa Al Jazeera i novinarki Štefici Galić sa portal Tačno.net.

Novinar Sanel Kajan sa Al Jazeera i novinarka Štefici Galić sa portal Tačno.net, su proteklih dana bili izloženi uvredama te čak prijetnjama smrću, a sve zbog izvještavanja o ishodu suđenja pred Međunarodnim kaznenim sudom za bivšu Jugoslaviju (ICTY) šestorici nekadašnjih vojnih i političkih čelnika Herceg-Bosne.

Prijetnje smrću su upućene novinaru Sanelu Kajanu s Al Jazeera i novinarki Štefici Galić sa portal Tačno.net. O navedenim prijetnjama kolegi Kajanu, su već informirani kako MUP Hercegovačko-neretvanskog kantona tako i Federalna uprava policije.

Upozoravamo da je došlo do kršenja slobode izražavanja i slobode medija, jer prijetnje koje se odnose na namjeru da se novinar/novinarka ušutka – spriječi u slobodi izražavanja i obavljanja svog posla su neprimjerene demokratskim procesima.

Društvo novinara Bosne i Hercegovine podsjeća tijela vlasti da imaju obavezu osigurati da novinari rade u sigurnim uvjetima i da osobe koje im upućuju prijetnje – budu procesuirane.